

SCRIPT OF MORNING GOJRI NEWS BULLETIN 9SEP 1015 HRS

مارننگ گو جری نیو ز بلیٹن مو رخہ 9 ستمبر 2025

یوہ آکا شوانی جموں ہے باغ علی طاہر تیں خبر سٹو۔

LG JAMMU UNIVERSITY

لیفٹیننٹ گورنر منوج سنہا نے کل جموں یونیورسٹی غا یوم تاسیس غا موقع ور کلیدی خطاب کیو اس موقعور بولتا واں اُنہاں نے ادارا ور زور پایو جے وہ تعالیمی پائیدای تے تحفظ غی خاطر جدید ٹیکنالوجی غو استعمال کرے تانجے طالب علماں نانہہ اُبھرتی للکاراں غو مقابلو کرن غے قابل بناغے وکست بھارت بنان مانہہ اُن غی مدد لی جاسکے نوجواناں غا کردار نانہہ آجاگر کرتا واں لیفٹیننٹ گورنر نے کہیو جے ترقی غو مقصد ماحولیات نانہہ نقصان پجایاں بغیر سماجی ضرورتاں ناں پوراں کرنو ہو نو چاہیے اُنہاں نے ذریعاں نانہہ زیادہ توں زیادہ بہتر بنان تے آئندہ نسلاں واسطے مستقبل نانہہ سنوارن غی خاطر کثیر رُخی حکمت عملی اپنایا جان غی ضرورت ور زور پایو۔

CM KASHMIR MARATHON

وزیر اعلیٰ عمر عبداللہ نے کل اک اعلیٰ سطحی میٹنگ غی صدارت کرتا واں آئندہ نومبر مہینہ غی 2 تاریخ نانہہ منعقد کی جان آلی کشمیر مراتھن غی تیاریاں غو جائیزو لیو اُنہاں نے اس سلسلہ مانہہ اک اشتہاری ویڈیو گو وی آغاز کیو اس موقع ور بولتا واں وزیر اعلیٰ نے کہیو جے اس مراتھن دوڑ سنگ کشمیر غی ثقافت تے ورثہ نانہہ وی منسلک کیا جان غی لوڑ ہے اس سال غی دوڑ غے دوران سرینگر غی اہم جگہاں تیں گزرن غو پروگرام ہے تے یاه دوڑ مکمل ادھی تے 10 کلو میٹر ور مبنی وے غی استوں علاوہ کھیڈاریاں سیلانیان تے مقامی لوکاں نانہہ شامل کیا جان غی خاطر اک مراتھن ایکسپو تے ایک گالا ثقافتی شام غو وی انعقاد کیو جائگو اس پروگرام مانہہ کھیڈ تے ثقافتہ سطح ور قابل یاد بنان غی کاطر ویزر اعلیٰ نے ہوٹلاں تے کاروباریاں سنگ رابطہ غی ہدایت وی کی۔

KULGAM ENCOUNTER

گلگام ضلع مانہہ دہشت گرداں سنگ جاری اک ٹاکرہ مانہہ سلامتی دساں نے 2 دہشت گرداں نانہہ ہلاک کردتو ہے اس تصادم مانہہ فوج گا 2 جوان صوبیدار پرہات گور تے لانس نائک نریندر سندھو وی شہید ہو گیا ہیں چنار کور غے م، طابق کلفوج سی آر پی ایف تے جموں کشمیر پولیس غی اک سانجی کاروائی ضلع غا گٹر جنگلاتی علاقہ مانہہ اک خصوصی سوملن غے بعد شروع کی گئی تلاشی کاروائی غیودران سلامتی دستاں نانہہ مشکوک حرکات غو پتو چلیو جس ور مشکوک دہشت گرداں نانہہ للکار یو گیو جس غے بعد دہشت گرداں نے سلامتی دستاں ور فائرنگ شروع کردتی سلامتی دستاں غی جوابی فائرنگ مانہہ 2 دہشت گرد ماریا گیا تصادم اجیں وی جاری ہے۔

GST REFORMS COSMETICS

سرکار غی طرفوں جی ایس ٹی مانہہ کی گئی حالیہ رعایتاں تے کمی غو جموں کشمیر غا رہائشیاں تے کاروباریاں نے خیر مقدم کیو ہے آئندہ 22 ستمبر سامان آرائش یعنی

کاسمیٹکس غی چیزاں ور موجودہ 18 فی صد ٹیکس مانہ کمی کرغے ہُن چہرو 5 فی صد ٹیکس ہی وصولیو جائگو ان چیزاں مانہ تیل شیمپو شیونگ کریم لوشن ٹوتھ پیسٹ ٹالکم پاوڈر تے چہرہ ور استعمال کیا جان آلا پاوڈر وغیرہ شامل ہیں مقامی لوکاں غو کہنو ہے جے جی ایس ٹی مانہ کی گئی اس کمی سنگ لوہکا کاروباریاں تے راہنشاں غا مالی دباؤ مانہ کمی آئیگی صارفین نے آکاشوانی نیوز جموں سنگ گل کرتا واں کہی وجے سرکار غا اس فیصلہ سنگ لوکاں نانہ بروقت راحت ملن غے نال نال روزانہ استعمال غی چیز ہُن ہور قابل رسائی ہو سکیں غی۔

HC AID

جموں کشمیر تے لداخ ہائی کورٹ نے سیلاب متاثرین سنگ یکجہتی غو اظہار کرتا واں وزیر اعلیٰ عمر عبداللہ نانہ ریلیف فنڈ غی کاطر 54 لکھ 40 ہزار روپیاں ور مبنی اک چیک پیش کیو ہے یوہ امدادی چیک ہائی کورٹ غا دیجسٹرار جنرل غی طرفوں پیش کیو گیو یاہ رقم ہائی کورٹ غا ججاں تے دوجا ملازماں غی طرفوں جمع کی گئی ہے اس ور شکر یو دادا کرتا واں وزیر اعلیٰ غو کہنو تھو جے ایسی مجموعی کوششاں نانہ مضبوطی ملے غی۔

PROG ANN

علاقائی خبراں آلا شعبہ آکاشوانی جموں غی طرفوں معاشی بدلاؤ گے زریعہ ترقی گی رفتار نانہ بدھان ور اک خصوصی گل بات گو پروگرام پیش کیو جے گو۔ یوہ پروگرام سیوا سپتھا 2025 گی تقریب گا سلسلہ مانہ 10 ستمبر یعنی بدھار آلا تہارے دوپہر 12 بج غے 30 منٹاں ور نشر کیو جے غو اس پروگرام مانہ مہارا مہمان جموں یونیورسٹی گا معاشی یعنی اینامکس گ شعبہ توں تعلق رکھن آلا پروفیسر دیپنکر سینی گپتا وے گا جد کہ پروگرام گی میزبانی جگموہن شرما تے کنال شریوٹس کریں گا اس ضمن مانہ اس طرح غی مزید نشریات واسطے میڈیم ویو 303 میٹر یعنی 990 کلو ہٹز تے ایف ایم 100 عشریہ 3 ور آکاشوانی جموں سنگ جڑیا ریں۔

WEATHER

محکمہ موسمیات نے جموں کشمیر مانہ آئیندہ دنائ غے دوران موسم آبر آلود رہن تے کئی علاقان مانہ ہلکی بارشاں غی پیش گوئی کی ہے البتہ اج تیں آئیندہ 12 ستمبر توڑی موسم گرم تے مربوط رہن غی امید ہے اس عرصہ غے دوران کتے کتے ہلکی بارشاں غو ا مکان ہے آئیندہ 13 ستمبر تیں یو ٹی مانہ ہلکی تیں درمیانہ درجہ غی بارشاں غی وی پیش گوئی کی گئی ہے۔ اسے دوران جموں سرینگر قومی شاہراہ اج لگاتار اٹھوین روز وی ٹریفک واسطے بند ہے تے شاہراہ غی کئی جگہاں ور بحالی غو کم اجیں وی جاری ہے۔

PTC ANN

علاقائی خبراں آلا شعبہ آکاشوانی جموں غی طرفوں ضلع جموں واسطے عارضی نامہ نگاراں یعنی پی ٹی سی واسطے درخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن آلا ایسا امیدوار درخواست دے سکیں گا جہڑا ضلع جموں گا بسنیک ویں تے اُن غی عمر 24 براں تیں 50 براں غے بشکا ر وے۔ پی ٹی سی غی اس پوسٹ واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یافر تسلیم شدہ

یونیورسٹی تیں گرجویشن غے ہمراہ 2 براں غو صحافت مانہہ تجربو مقرر کیو گیو ہے۔ اس تیں علاوہ کمپیوٹر تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہہ تجربو وی ضروری ہے۔ عارضی نامہ نگار غی پوسٹ مانہہ دلچسپی رکھن آلا امیدوار واسطے لازمی ہے جے ضلع صدر دفتر جموں یا اس تیں 10 کلو میٹر غادائرہ غے اندر رہائش پزیر وے اس سلسلہ مانہہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنچترتھی جموں مانہہ بزات خود آئیندہ 14 ستمبر 2025 توڑی دے سکیں۔ اس بارے مزید جانکاری ویب سائٹ www.newsonair.gov.in ور دستیاب ہے۔
